

## 4. Tuiphumna Thuzuih/Upna (Doctrine)

- a) **Laisiangtho bulphuhte** Heb. 6:1-2 Lk. 11:13  
 1Cor. 12:12-14 Matt. 3:11-12  
 Matt. 28:19

### b) Thupatna

Christiante ading in tuiphumna lian thum om a, Khazih sungah a ma a nawt nuamte ading in a dang tuiphumna khat zong kihel thei hi.

- i. Pumpi khat sungah kha khat in a phumna (Mun)
- ii. Tui sungah tuiphumna (Mipi mai a pulakna)
- iii. Khasiangtho sungah kiphumna (Vangliatna)
- iv. Mei tawh kiphumna (Siansuahna)

### c) Pumpi khat sungah Phumna

Hih pen thu um mi khempeuh in a theih pelmawh ding tuiphumna hi a, a thei kei uh leh thu umte hilo uh hi (1Cor. 12:12-14; Eph. 4:4-5). Adang kiphumnate pen Zeisu singlamteh tungah a sih teh hong lei sak a, thu umte luahna thu neihnate hi. Adang tuiphumnate lo tawh vantung kitung thei a, a hizong in eite in pumpi khat sungah kha in hong phum pelmawh ding kisam hi. Hih pen i suah kik teh i kikhelhun in piang hi. Mi khat in Khazih lo tawh ama tungah a kipumpiak sim in, Khasiangtho in tua mipa nuntakna ah lut hi.

Rom. 8:9 ah "mi khat in Khazih kha a nei keileh, Khazih ahilo hi." ci in gen hi. Khasiangtho nasepna ah luahna in a suak thak khalam naungek khat ciat Khazih pumpi sungah koihna hi. Hih a lamdang thuman thutak na sepna pen hih pen puanzapi bawldanzia in kibawl lo hi. Christian thak khat ciat pen hoihtak in Topa in tuam khen leh a pawlpawl in amau a kipia munah om khong thei lo in leh, amau leh amau a kikhuk ding uh a hanciam uh teh buaina liante piang thei hi. Pawl mah bang in eite in zong bangbang dinmun hi taleh i lungkimna ding i sin ding ahi hi (Phil. 4:11). A kisap leh tua pumpi lutang ahi Topa Zeisu bek in khatciate sep theihnate leh pumpi bup nasep nate nangawn hong khek kha ding hi. Eite in Ama thu ngai in hong paisak nopna peuh ah pai, leh hong sepsak nop peuh i sep ding kisam hi.

Munci tengah i khuatual pawlpi leh Khazih pumpi tungah i ki-ap ding kisam hi. Banghang hiam cihleh eite pen kha khat in pumpi khat sungah, hong kiphum khin hi. Leitung ah sanggam numei pasal tulza tampi nei i hihman in, lungzuankik ding kisam nawn lo hi. Eite in Khazih pumpi kisam in tua sungah eite kisam hihang. Pasion gam sungah aituam cih bang om lo a, kihuh tuahna om hi. Pasion in a lamet bangin Zeisu a lakkhia kim thei ding pumpi a ding in eite khat leh khat kisam tuah hihang. Eite lo in tua pumpi gamtang thei lo ahihman in i vek a i gamtat ding kisam hi. A kihel khatciat thupi mahmah hi.

Khazih pumpi pen a muanhuai mun hi. Christiante pen Zeisu Khazih mahmah a lutang hi in a it leh a kep pumpi vante i hihman in leitungah a muanhuai pen mite i hih ding kisam hi (Eph. 5:23-32). Ei-le-ei khat ciat zong muanhuaina i nei a, a hizong in tua muanhuai na i ngah tek theih nading in tua pumpi hoih nading i nuntak ding kisam hi. Ei guak i kikhen khiat leh bangmah phattuamna lamem thei lo hihang. Pawlpi tungah a kipia minte (a nuai ah en in). in tua pawlpi a kihel vante ahi ei thu-um mimal khat ciat ading hong

kipia khamuanna i tel nading hong huh hi. Khazih pumpi ah i kipiak ding kisam hi. Banghang hiam cihleh eite tua pumpi vante hi in i mailam hun zong tua tungah kinga hi.

Pawlpi a kipia minte	Laisiangtho munte	Tua min sunga om zia/hihnate
Pasian Pawlpi	Tamveipi kikawk	Hihpen Pasian Pawlpihi, ei ahi lo.
Biak inn	1Cor. 3:9; Eph. 2:19-22	Thupiak, Inn leh ngimna
Mo	Rev. 21:9; 2Cor. 11:2	Itna, kipiakna leh kipumkhatna
Pumpi	1Cor. 10:17; Rom. 12:4-5 Eph. 2:16; 4:4; Col. 3:15	Nasepna, kicinna leh suahtakna
Innkuan	Eph. 3:15	Kizopna, thupiak, hawmna nuntak khopna, kineihna om lo
Tuu hon	1Pet. 5:2; Act. 20:28	Khamuanna, Vakna, Lamlahna leh hutna
Khammeivak khuam	Rev. 1:20	Khuavak, muanhuaina leh khuamial pan dalna
Pasian leitang	1Cor. 3:9	Eite pen a khangding leh a gahpha dingin i suak hi.
Pasian Naseppih te	1Cor. 3:9	Mawhpunkte leh hamphatna
Topa mual	Isa. 2:3	Kipumkhatna, thahatna leh thupina
Khuam	1Tim. 3:15	Khona, panpihna leh thuman

\*Hih tuiphumna masa lo in a dangte in deihna taktak nei lo hi.

#### d) Tui sungah Tuiphumna

Tuitawh kiphumna pen thu ummi khat tuiphumna hi a, khalam thuman thutak lahkhiatna pumpi gamtatna khat hi. Hih tuitawh tuiphumna pen Khazih sihna leh thawhkikna thumaan ah Khazih tawh i ngah khopna hi ci hihang. A kituiphum mipa pen Zeisu bang in mawhna hang a si ahieh lohna kitel a, ahizong in, Khazih nasep amah leh amah a kipiakna thu mipi mai ah teci pan na lak hi. Mawhna ading Khazih a sihmah bangin, mawhna sungah sihna lim hi. Tui sungah pai in a kipumphum ciangin, piankenlui mawhna neihna a, kivuina limlak hi. Tua ngeina lui pen tui sungah kinusia in, Zeisu sungah nuntakna thak tawh tua mipa hong thawh tohna lim hi. Zeisu nungzui khat a nuntak ding tua mipa in tang kokhia hi. "Zeisu tawh ka kikhai lum zo a, kei ka nungta nawn kei hi. Ahieh hangin ka sungah Christ a nungta hi." (Gal. 2:20 ZIV). A kituiphum mipa pen mawhna thuneihnate leh sihna ah Khazih sungah a si a hihna Pasian tawh kithukhat in, tu in Pasian tungah Khazih ah nungta hi.

Tuiphumna leh ama Tapa sihna hanga thupiangte ah Pasian tawh lungsim taktawh kithukumna hi. Eite in uttak, kipaktak leh lungdamtak in Calvary a tatkhiatna nasep ah ei-le-ei i kihel khawm hi.

##### (i). Banghang kipum phum suk?

1. Tuiphumna cih kammal ading a Greek kam pen 'batizo' hi a, tua pen 'papsuk'

aihkeh 'phumsuk' cih na hi. Hih kammal pen puan khat nim ding a diahna tawh kipulak hi.

2. Aenon gun ah tui tampi om ahihman in Tuiphumpa Johan in tua lai ah tuiphum hi cih in kipum phumna hong lak hi (Jn. 3:23)
3. A hang taktak pen hihbang a kipum phumna in kivui na lim hoih tak in hong lak hi (i.e., tui han khuk). (Rom. 6:4 leh Col.2:12te en in.)

**(ii) Banghang in mikhat tuitawh kituiphum ding hiam?**

1. Hihpen Zeisu thupiak khat hi (Matt. 28:19)
2. Hih pen Pasion lam ah phawk theihna hoih tawh kiciamna hi (1Pet. 3:21)
3. Banghang hiam cihleh Zeisu mahmah kituiphum hi (Matt. 3:13-17)
4. Hih pen vun-atna lim khat hi (Col. 2:11-12)
5. Hih pen Pawlpi masate dinmun bulpi upna khat hi.(Act. 2:41; Act.10:42-48)
6. Tui tawh kituiphumna in kisawpna leh siansuahna lim hong lak hi. (Act.. 22:16). hihpen Zeisu sisan in hong sawpsiangna lim bek hi a, (Rev. 1:5). Eite pen Pasion kammal tawh hong kisiansuah khin hi (Jn. 15:3). Ahizong in mawhna sawpsiangna leh hong kisiansuahna pen tuitawh kituiphumna in a lim in la in teci hong pang hi.

**(iii) Tui sung a kiphumna pen tampite pulakna hi.**

- Vantung tungah (Zeisu sihna leh thawhkikna ah i upna). 1Cor. 15:3-4)
- Pawlpi tungah (eite pawlpi vante i hihna)
- Leitung tungah (eite hih Leitung i zawh khitna )
- Dawimangpa i zawhkhitna leh Pasion lam ah i omna; tui kiphumna ah i Topa Zeisu sihna, kivuina leh thawhkikna tawh pumkhat i suak hi.

**e) Khasiangtho tawh kiphumna**

Eite i dinmun ah hong tun ciang bek hilo in, tua mun ah vangliatna tawh hong nungta theisak ahihman in Pasion tungah lungdam hang (Act. 1:8; Jn. 1:33)

**(i) Banghang Khasiangtho sungah kiphum ding?**

1. Hihpen sawlna hi Eph. 5:18). Eite ngah ding hih theih zawh na ciang bek ah hong ki dim sak thei hi. Hih pen a kipat cil in tawm mahmah kha ding a, ahizong in picinna ah i pai toh mah bang in i hih theih na zah zong hong khangding hi. Tua aih man in tua hun a i hih theih na zah dong ah i kidip toh suak ding kisam hi. Eph. 5:18 a, 'Khasiangtho tawh ki dim un' cih kammal pen a kammal bul Greek a bang in, "Khasiangtho tawh kidim paisuak un" ci a, lehkhiat ding hoihazaw hi.
2. Teci pan nading vangliatna leh hansanna thak hong pia hi (Act. 1:8; 2:14; 4:31-34)
3. Khasiangtho letsongte khahkhiatna dingin hih pen kisam hi (1Cor. 12:7-11)
4. Hih pen a tampen pen Khasiangtho gah ading kisam hi (Gal. 5:22-23)
5. Hihpen Pasion minthannading a nuntakna tawh nuntak nading in kisam hi (Jn. 16:14)
6. Eite ading in Zeisu in khiatna hong neizaw sak hi (Jn. 15:26; 16:13-15; Act. 9:17)
7. Hih in thungetna ah lawhcinna hong nei zaw sak hi (Rom. 8:26-27; 1Cor. 14:4, 15)

8. Adik Pasion biakna hong nei theisak hi (Act. 2:11; 10:46; Jn. 4:23-24; Eph. 5:18-20)
9. Hih in Pasion kammal tel thakna leh itna hong tun hi (Jn. 16:13; I Cor. 2:9-16)
10. Hih in Pasion hong sapna nasepte i sep nading vangliatna hong pia hi (Act. 1:8)

(ii) **Eite khempeuh kidim ding i kisam hi.**

I kidim nading in lungtang siangtho kisam hihang. I mawhnate pulak in, bang zahta in i dikzaw phial zong midangte mawhna i maisak ding kisam hi (1Jn. 1:7-9; Lk. 6:37-38). Tua khit teh eite dangtak in (dip ding ut). Zeisu kiangah pai in dawn ding (Khasiangtho ngah ding). kisam hihang. Tua khit ciang in i sung tawng pan nuntakna guntui luangkha ding hi, i.e., Khasiangtho (Jn. 7:37-39). Khasiangtho tawh i kidim khitna lim pen Zeisu, ama nasep leh vangliatna tawh hong tuamna hi. Thu um khempeuh in Khasiangtho sungah a kiphum ciangin kamtuam pau theihna hihtheihna nei hi.

(iii) **Mite a kidim teh Laisiangtho sungah bang piang?**

- 120te kamtuam in pau (Act. 2:4). tua teh Pasion kammal hangsan tak in gen (Act. 4:31)
- Cornelius leh amah tawh a om khawmte kamtuam in pau in Pasion phat uh hi. (Act. 10:46)
- Paul in khuamuhna ngah hi (Act. 9:17-18)
- Ephet mite kamtuam in pau in mailam thu genkhol uh hi (Act. 19:6)
- Samaria mite kiangh Simon in muh khat nei (Act. 8:17-24)
- Zeisu in leitungah hong paina thu a nasep kipan (Lk. 4:18-19; Act. 10:38)

(iv). **Thukhupna**

Khasiangtho sungah kiphumna pen upna tawh a zongte tungah kipia hi (Gal. 3:2-5). Hih pen haksapi a phut ding, gimpih ding, nget ding, ngak ding leh dekdek ding hilo hi. Hih pen Topa in amah banga a nungzuite in na a sep theih nading vua a piakpiak khong letsong hi (Lk. 11:11-13)

f) **Meitawh kiphumna**

Matt. 3:11-12 a kigen buhsi pen manneilo na khat a genna hi. Hih pen mangbuh a khan nading in kisam thei kha ding a ahizong in a kikap nawnloh hun om ding hi. Tua ciangin i hepkiat ding kisam hi. Pasion in eite hong sawp sian nading leh hong siansuah nading in i lampite ah nate hong khung hi. Eite ama hong deih banga Pasion in hong khel a, hong tat theih nading in a suksiat hun leh i hahsiang hun i neih ding kisam hi. Hih pen a haksa hun hi thei a, (Isa. 6:5-7). ahizong in a tawpna ah Zeisu tawh kisunzaw hihang.

I nuntakna pan nin leh kekseute i paihkhiat teh tua mun ah kicing zaw hihang. Tua a buaihuai mun dalna sangin, tua in hong siangthosak a, Pasion hong deih bangin a dimzaw in eite hong kikhahkhia hi. Pasion in eite nuntakna ading a hong ngimsak i tangtunsak zawk theih nading leibelte kisuak hi. I nuntakna ah hih siansuahna hun i zawhzawh nading in Pasion in i dinmunte leh nuntak haksatnate telsiang khin hi. Eite tungah a giklua in na khatpeuh hong suan lo ding hi; Amah muang thei hihang. Ahizong in tua haksat na i puak ding i sin kei a, i nuntakna hong khel ding in tua ii a nak i zawh nading i phal keileh, Pasion hong deih bang hi thei ngei lo ding hihang. Khazih sunga i omna kicing i tangtun sak sangsik in gah gah nading ah a khaktan bilbawk i hi tawntung ding hi.

Netcipna in eite hong kibawlna leh eite thanemna hong lak hi. Eiguak a zozo lo ding a

i ngaihsutna munte ah ei-le-ei Pasion tung kipia leng, eite hong khel ding hi. Paihkhiat ding a kisamte Pasion in paikhia dinga, a tawpna ah Pasion in a sepna mun diakdiak ah Pasion lunggulh bangin a kizang thei zaw leibelte suak ding hihang. Pasion in i nuntaknate leh i dinmunte hong kem hong don hi a, amah i mitsuan nak a, ama hong deih bang a i sep nak leh, amah pen eite hong cingpa leh eite ading a hoih pen hong sepsak pa hi ci in muang thei ding hihang. Ama tapate i hihna phawk in.

Zeisu nungzui tampite in amaute a khel dingin Pasion kiangah ngen uh a, ahizong in netcipnate hong tun ciang in a lakkhiat sak ding in Pasion tungah kiko uh hi. Tua bang hangin amau thungetna bulpi Pasion in a piakna pan in taimang khin uh hi. I nuntakna Pasion tungah kinga in, ama ut bang bang i sep sak ding kisam hi. Hihpen haksu in thuakna zong kihel kha ding hi (1Pet. 4:12-19; 2Tim. 2:3; Rev. 2:10). Ahizong in a tawpna ah eite Zeisu tawh kisun semsemin, i gahphat zawk nading in hong kihahsiang zaw lai ding hi (Jn. 15:2)

**g) Dotna leh kikap khopnate**

1. Leitung bup Khazih pumpi ah a kihel in na kingaihsun hiam? Aih keh nang guak tang om pian in na kingaihsun hiam? Banghang ahitam?
2. Topa Zeisu in na kikap taktakte leh na dinmunte thei in na um hiam? Tuat khempeuh kantan dingin hong huh nading hong keem hiam?(Matt. 6:25-34)
3. Ama pumpi, Pawlpi sungah Khazih Zeisu in na om nading a hong deih mun na thei hiam? hong sep sak nopna thei hiam? Na theih leh tua ah na lungkim hiam?
4. Khazih purapi lahkhiatna mun ahihna tawh na pawlpi in, na kikap muanhuaina hong pia hiam?
5. Tui tawh tuiphumna na ngah khin a, na ngah nai kei zongin, tua in a lah thuman thutak ah na nungta khin takpi hiam? i.e., eite pen Khazih thawhkikhai khawm khin hang a, ei a nungta hi nawn lo in i sungah Khazih nungta hi (Gal. 2:20)
6. Khasiangtho kiphumna leh kidimna lo tawh Zeisu nasepte sep toh suak ding hi thei in na ngaihsun hiam?
7. Banghang in mitam pite nuntakna Pasion in don in kem leh Pasion tapate hi napi uh, nuntakna a netcipna leh haksatnate pan tai khiat sawm leh nolh uh hiam?
8. Netcipnate lampi maan lo tawh i puak leh gimluatna hong tun thei hi. Hih langkhat ah koici pan thei ding i hiam?

**h) Tomlakna leh Zatpahna**

1. Zeisu nungzuite i hihna tawh Khasiangtho hangin Leitung bup Khazih pumpi sungah kihel in kiphum khin hihang.
2. Zeisu pen ama pumpi lutang, Pawlpi, leh eite khat ciat khat ciatte aman hong kem hi cih i theihna tawh muanhuaina omhi.
3. Tui sunga kituiphum na tawh i pian ken ngeina luite ah i nuntakna si khin in, tu in Khasiangtho hang tawh Zeisu in ahi thei ding a hong bawl sak pian ken ngeina thak ah nungta thei hihang cih lim hong lak hi.
4. Khasiangtho sung a kiphumna in Zeisu nungzuite i hih mah bang in nuntak nading vangliatna hong pia hi.
5. Mei tawh kiphumna pen amah tawh kisut theih nading in Zeisu nungzui khempeuh in a kantan dinguh a kisam siansuahna kalsuanna hi.